



Broj: 05-2845-6/20

Sarajevo, 23.07.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-2845-5/20 od 23.07.2020. godine, direktor Agencije za bankarstvo Federacije BiH donosi

## **ODLUKU**

### **o izboru najpovoljnijeg ponuđača u postupku nabavke roba**

#### **I.**

Prihvata se preporuka Komisije za provođenje postupka javne nabavke iz Zapisnika o pregledu i ocjeni ponuda, broj: 05-2845-5/20 od 23.07.2020. godine i ugovor za nabavku softverskih licenci za potrebe Agencije za bankarstvo Federacije BiH dodjeljuje se ponuđaču „MIBO KOMUNIKACIJE“ d.o.o. Sarajevo.

#### **II.**

Ukupna vrijednost ugovora iz tačke I. ove odluke, bez uračunatog poreza na dodanu vrijednost (PDV), iznosi 14.960,00 KM.

#### **III.**

Po okončanju roka za žalbu, ugovorni organ će s izabranim ponuđačem zaključiti ugovor na period od jedne godine, kojim će regulisati međusobna prava i obaveze.

#### **IV.**

Ova Odluka bit će objavljena na internetskoj stranici Agencije za bankarstvo Federacije BiH [www.fba.ba](http://www.fba.ba), istovremeno sa upućivanjem iste ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

#### **V.**

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

## Obrazloženje

Odlukom o pokretanju postupka javne nabavke softverskih licenci, broj: 05-2845/20 od 07.07.2020. godine, odobreno je provođenje postupka javne nabavke softverskih licenci za potrebe Agencije za bankarstvo Federacije BiH. Javna nabavka provedena je putem konkurentskog zahtjeva za dostavu ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama, Obavještenje o nabavci broj: 3010-7-1-180-3-40/20 objavljeno je na portalu javnih nabavki (ejn.gov.ba) 08.07.2020. godine, ispravak Obavještenja o nabavci broj: 3010-7-1-180-8-41/20 objavljen je dana 09.07.2020. godine, uz istovremeno upućivanje poziva za dostavu ponude na adresu trojice potencijalnih ponuđača.

U skladu s Odlukom ugovornog organa imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda broj: 05-2845-5/20 od 23.07.2020. godine u kojem je konstatovano da su po predmetnom postupku nabavke pravovremeno pristigle 2 (dvije) ponude. Na osnovu izvršene analize i ocjene pristiglih ponuda u pogledu utvrđivanja njihove prihvatljivosti u odnosu na kvalifikacijske uslove utvrđene u tenderskoj dokumentaciji, komisija je utvrdila da su ponude ponuđača „MIBO KOMUNIKACIJE“ d.o.o. Sarajevo i „INFONET“ d.o.o. Tuzla kvalifikovane i prihvatljive, te da su dostavljeni svi traženi dokazi propisani tenderskom dokumentacijom, na propisan način.

Nakon odabira prihvatljivih ponuda, ponuđači „MIBO KOMUNIKACIJE“ d.o.o. Sarajevo i „INFONET“ d.o.o. Tuzla, kao kvalifikovani ponuđači, pozvani su da sudjeluju u e-Aukciji na Portalu javnih nabavki, koju je zakazala komisija, shodno članu 4. Pravilnika o uslovima i načinu korištenja e-Aukcije („Služeni glasnik BiH“, broj: 66/16). U toku održavanja e-Aukcije, ponuđači nisu aktivno sudjelovali, te su početne vrijednosti ponuda ostale nepromjenjene.

U sljedećoj tabeli daje se rangiranje prihvatljivih ponuda nakon provedene e-Aukcije:

Redni broj	Ponuđači	Ukupna cijena, bez PDV-a
1.	„MIBO KOMUNIKACIJE“ d.o.o. Sarajevo	14.960,00 KM
2.	„INFONET“ d.o.o. Tuzla	14.980,00 KM

Na osnovu svega navedenog, primjenjujući zadani kriterij najniže cijene tehnički prihvatljive ponude, saglasno članu 8. stav (2) tačka c) Pravilnika o uspostavljanju i radu komisije za nabavke, komisija je dala preporuku da se ponuđaču „MIBO KOMUNIKACIJE“ d.o.o. Sarajevo dodijeli ugovor na period od jedne godine, kao najpovoljnijem ponuđaču u predmetnom postupku javne nabavke.



Zmaja od Bosne 47b,  
71000 Sarajevo,  
Bosnia and Herzegovina



P ++ 387 (33) 72 14 00  
F ++ 387 (33) 66 88 11



E agencija@fba.ba  
W www.fba.ba



AGENCIJA ZA BANKARSTVO  
FEDERACIJE BOSNE I HERCEGOVINE  
BANKING AGENCY OF THE FEDERATION  
OF BOSNIA AND HERZEGOVINA

Uvažavajući sve navedeno, primjenom člana 64. stav (1) tačka b), člana 70. stavovi (1), (3). i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



**DIREKTOR**  
*Jasmin Mahmuzić*  
**Jasmin Mahmuzić**

Dostaviti:

- svim učesnicima u postupku
- a.a.